

**NOGOMETNI/FUDBALSKI SAVEZ  
BOSNE I HERCEGOVINE**



**P R A V I L N I K**  
**o radu komiteta Izvršnog odbora i pravnih tijela NS/FS BiH**

Sarajevo, oktobar/listopad 2023. godine

# SADRŽAJ

I	OPŠTE ODREDBE.....	2
II	INTERNA ORGANIZACIJA.....	2
III	KOMITETI IZVRŠNOG ODBORA.....	3
	1. ZAJEDNIČKE ODREDBE ZA SVE STALNE KOMITETE.....	3
	2. USLOVI ZA ČLANSTVO I NADLEŽNOSTI.....	10
IV	PRAVNA TIJELA NS/FS BiH.....	20
	1. ZAJEDNIČKE ODREDBE ZA SVA PRAVNA TIJELA.....	20
	2. USLOVI ZA ČLANSTVO.....	23
V	ZAVRŠNE ODREDBE.....	23

Na osnovu člana 39. Statuta Nogometnog/Fudbalskog saveza Bosne i Hercegovine BiH, Komitet za hitnost Nogometnog/Fudbalskog saveza Bosne i Hercegovine BiH na sjednici održanoj 17.10.2023. godine, donosi

## **PRAVILNIK**

o radu komiteta Izvršnog odbora i pravnih tijela NS/FS BiH

### **I OPŠTE ODREDBE**

#### **Član 1.**

(Skraćenice i značenje pojmova)

(1) Za potrebe ovog pravilnika, koriste se sljedeće skraćenice:

- a) NS/FS BiH: Nogometni/Fudbalski savez Bosne i Hercegovine
- b) IO NS/FS BiH: Izvršni odbor Nogometnog/Fudbalskog saveza Bosne i Hercegovine
- c) GSK NS/FS BiH: Generalna skupština Nogometnog/Fudbalskog saveza Bosne i Hercegovine
- d) GS NS/FS BiH: Generalni sekretarijat Nogometnog/Fudbalskog saveza Bosne i Hercegovine
- e) NS FBiH: Nogometni savez Federacije Bosne i Hercegovine
- f) FS RS: Fudbalski Savez Republike Srpske

(2) U smislu ovog Pravilnika, pojmovi u muškom rodu odnose se jednako na osobe oba spola.

### **II INTERNA ORGANIZACIJA**

#### **Član 2.**

(Interna organizacija)

(1) Komiteti NS/FS BiH su tijela Izvršnog odbora NS/FS BiH.

(2) Stalni komiteti NS/FS BiH su:

- a) Finansijski komitet;
- b) Komitet za takmičenja;
- c) Tehnički komitet;
- d) Komitet za sportsku medicinu;
- e) Komitet za sudije i suđenje;
- f) Komitet za omladinski nogomet;
- g) Komitet za ženski nogomet;
- h) Komitet za futsal;
- i) Komitet za status igrača i transfere;
- j) Pravni komitet;
- k) Komitet za stadione i sigurnost;
- l) Komitet za medije;
- m) Komitet za marketing i TV.

(3) Izvršni odbor NS/FS BiH može po potrebi osnivati ad hoc (privremene) komitete radi rješavanja posebnih pitanja na određeni vremenski period. Izvršni odbor NS/FS BiH imenuje predsjedavajućeg i dva potpredsjedavajuća ad hoc komiteta. Predsjedavajući ili jedan od dva potpredsjedavajuća mora predstavljati FS RS.

(4) Pravna tijela NS/FS BiH su tijela Generalne skupštine NS/FS BiH i to kako slijedi:

- a) Disciplinska komisija;
- b) Apelaciona komisija;
- c) Tužioc;
- d) Prvostepena komisija za licenciranje;
- e) Apelaciona (drugostepena) komisija za licenciranje.

**Član 3.**  
(Područje primjene)

Ovim pravilnikom regulišu se pitanja sastava, imenovanja i razrješenja, kvoruma, načela rada, nadležnosti i zadaci i ostala pitanja od značaja za rad stalnih i ad hoc komiteta Izvršnog odbora NS/FS BiH i pravnih tijela NS/FS BiH.

### **III KOMITETI IZVRŠNOG ODBORA**

#### **1. ZAJEDNIČKE ODREDBE ZA SVE STALNE KOMITETE**

**Član 4.**  
(Sastav komiteta)

- (1) Komitet se sastoji od tri ili šest članova, o čemu odluku donosi Izvršni odbor NS/FS BiH.
- (2) Svaki komitet ima predsjedavajućeg i dva potpredsjedavajuća. IO NS/FS BiH osigurava da dvije trećine članova komiteta budu predstavnici NS FBiH, a jedna trećina predstavnici FS RS.
- (3) Predsjedavajućeg, dva potpredsjedavajuća i članove komiteta imenuje IO NS/FS BiH na mandat od četiri godine, sa mogućnošću ponovnog imenovanja.
- (4) Predsjedavajući i dva potpredsjedavajuća se rotiraju na funkcijama svakih 16 (šesnaest) mjeseci od dana imenovanja.
- (5) IO NS/FS BiH imenuje i po tri zamjenska člana svakog komiteta na mandat od četiri godine, koji mogu preuzeti funkciju člana komiteta u skladu sa članom 5. ovog Pravilnika.
- (6) IO NS/FS BiH osigurava da 2/3 (dvijetrećine) stalnih komiteta budu pod predsjedavanjem predstavnika NS FBiH, a 1/3 (jednatrećina) pod predsjedavanjem predstavnika FS RS.
- (7) Predsjedavajući ili jedan od dva potpredsjedavajuća, mora predstavljati FS RS.

**Član 5.**  
(Imenovanje članova komiteta)

- (1) Članove komiteta NS/FS BiH imenuje IO NS/FS BiH.
- (2) IO NS/FS BiH određuje odgovarajući rok za podnošenje prijedloga za imenovanje komiteta.
- (3) Uz prijedlog sa imenima kandidata za članove komiteta, a u skladu sa članom 19. Statuta NS/FS BiH, entitetski savezi su obavezni da uz propisanu dokumentaciju, dostave i dokaz o stupnju/stepenu i vrsti školske spreme kandidata za traženu poziciju.

## **Član 6.**

(Razrješenje članstva u komitetu)

(1) Član komiteta može biti razriješen funkcije (članstva) te po potrebi zamijenjen odlukom IO NS/FS BiH za preostali period mandata (članstva) u slučaju:

- a) smrti;
- b) ostavke;
- c) nesposobnosti obavljanja dužnosti zbog teške bolesti ili nesreće;
- d) razrješenja prema odredbama Statuta NS/FS BiH;
- e) ukoliko prema ocjeni IO NS/FS BiH svoju funkciju obavlja na nezadovoljavajući način;
- f) kada član ne prisustvuje na najmanje dvije propisno sazvane sjednice komiteta bez opravdanog razloga tokom iste kalendarske godine, a o čemu će predsjedavajući komiteta odmah obavijestiti IO NS/FS BiH.

(2) U slučajevima iz prethodnog stava, člana komiteta zamjenjuje zamjenski član do završetka mandata.

(3) Zamjenskog člana koji će popuniti upražnjeno mjesto u članstvu komiteta u slučajevima iz stava (1) ovog člana određuje IO NS/FS BiH, iz reda imenovanih zamjenskih članova tog komiteta, vodeći računa o potrebnim kriterijima zastupljenosti u skladu sa članom 4. ovog Pravilnika.

## **Član 7.**

(Kvorum i odluke)

(1) Ukoliko se radi o komitetima sa tri člana, na redovno zakazanoj sjednici komiteta potrebno je prisustvo sva 3 (tri) člana, a odluka je usvojena ako je podrže najmanje dva člana komiteta.

(2) U slučaju nedostatka kvoruma prisustva na dan održavanja redovno zakazane sjednice komiteta ili u slučaju nemogućnosti donošenja odluke, zakazuje se ponovljena sjednica narednog radnog dana u isto vrijeme i na istom mjestu. Na ponovljenoj sjednici potrebno je prisustvo najmanje dva člana komiteta, a odluka se donose ako ih podrže najmanje dva člana Komiteta.

(3) Ako se radi o komitetima sa šest članova, odluka se donosi ako je prisutno više od polovine članova, a usvojena je ako je podrži apsolutna većina (50% + 1) prisutnih članova.

(4) U slučaju nedostatka kvoruma prisustva na dan održavanja redovno zakazane sjednice komiteta ili u slučaju nemogućnosti donošenja odluke, zakazuje se ponovljena sjednica narednog radnog dana u isto vrijeme i na istom mjestu. Na ponovljenoj sjednici potrebno je prisustvo najmanje četiri člana komiteta, a odluke se donose ako ih podrži većina prisutnih članova.

(5) Izuzetno, u slučaju neriješenog glasanja na ponovljenoj sjednici, odlučujući glas je glas predsjedavajućeg.

(6) Glasanje se obavlja dizanjem ruku.

(7) U hitnim slučajevima, može se zakazati telefonska sjednica na kojoj članovi komiteta telefonski saopštavaju svoj glas, o čemu obavezno dostavljaju pisano očitovanje (putem e-maila ili faxesa).

(8) Odluka se smatra usvojenom na telefonskoj sjednici samo ako je donesena konsenzusom.

(9) U specifičnim okolnostima više sile (pandemija, prirodne nepogode i sl.), sjednica se može održati putem video-konferencijskog linka („online“ sjednica) i tada se primijenjuju pravila iz stavova (1) do (6) ovog člana.

### **Član 8.**

(Načela u radu komiteta)

(1) Komiteti u svom radu poštuju načela neovisnosti i povjerljivosti.

(2) Načelo neovisnosti podrazumjeva da komitet radi potpuno neovisno, bez ikakvih uputa i sugestija drugih tijela, organa ili pojedinaca. Članovi komiteta se obavezuju da će se suzdržati od vršenja bilo kakvih aktivnosti koje bi na bilo koji način bile nepoštene prirode i/ili u suprotnosti sa interesima NS/FS BiH. Članovi komiteta će se suzdržati od učestvovanja u diskusijama i/ili donošenju odluka po bilo kojem pitanju ili u bilo kojoj situaciji gdje postoji sukob interesa bilo to interesa samog člana ili člana njegove porodice, rodbine ili prijatelja. Članovi komiteta moraju odmah o bilo kojem obliku sukoba interesa obavijestiti predsjedavajućeg, koji donosi odluku u slučaju dvojne ili spora u pogledu neovisnosti člana. Ukoliko postoji dvojba ili spor u pogledu neovisnosti predsjedavajućeg komiteta, Generalni sekretar NS/FS BiH donosi konačnu odluku.

(3) Načelo povjerljivosti podrazumjeva da se svi članovi komiteta obavezuju da sve informacije sa kojim su upoznati vezano za određena pitanja i postupke, ostanu povjerljive. Članovi komiteta NS/FS BiH ne smiju otkrivati zaprimljene informacije dobivene tokom rada u NS/FS BiH (osim NS/FS BiH) te su ih obavezni držati u potpunoj tajnosti prije, tokom i nakon svog imenovanja na funkciju. Povjerljiva dokumentacija se mora pažljivo čuvati te ista vratiti sekretaru komiteta nakon završetka mandata člana. Komiteti upoznaju sredstva javnog informisanja o svojim odlukama, zaključcima i stavovima jedino putem Odjela za komunikacije (portparola) NS/FS BiH.

### **Član 9.**

(Predsjedavajući)

(1) Predsjedavajući predsjedava komitetom. Nakon konsultacija sa Generalnim sekretarom ili sekretarom komiteta, predsjedavajući određuje datume i dnevni red sjednica.

(2) Predsjedavajući je odgovoran za propisno obavljanje poslova komiteta o čemu je dužan redovno informisati IO NS/FS BiH.

(3) Predsjedavajući komiteta NS/FS BiH u saradnji sa sekretarom komiteta/administracijom:

- a) priprema sjednice komiteta (pozive i materijale);
- b) predsjedava komisijom;
- c) predvodi diskusije i osigurava nesmetan tok sjednice;
- d) odobrava nacrt zapisnika koji se dostavlja na usvajanje ostalim članovima komiteta;
- e) odmah obavještava članove komiteta o svim posebnim situacijama.

(4) Predsjedavajući koordinira zahtjevima za izlaganje i diskusiju. On može ograničiti vrijeme govornicima ili preuzeti druge mjere kako bi osigurao harmoničan tok sjednice.

(5) Ako je predsjedavajući odsutan ili ne može obavljati svoju dužnost na sjednici ili dijelu sjednice zbog sukoba interesa, zamijenit će ga prvi potpredsjedavajući, a u slučaju odsustva prvog potpredsjedavajućeg, zamijenit će ga drugi potpredsjedavajući.

(6) Uz saglasnost ostalih članova komiteta, Predsjedavajući može dati pisanu punomoć imenovanom sekretaru komiteta za potpisivanje poziva za sjednice, odluka, zaključaka,

mišljenja i ostalih akata i podnesaka koji su usvojeni ili doneseni na sjednicama komiteta ili su vezani za rad i funkcionisanje komiteta.

**Član 10.**  
(Sekretar komiteta)

- (1) Generalni sekretarijat pruža administrativnu podršku stalnim i ad hoc komitetima.
- (2) Generalni sekretar NS/FS BiH donosi odluku i imenuje kompetentnu osobu za sekretara komiteta.
- (3) Sekretar se bira iz reda zaposlenika Generalnog sekretarijata NS/FS BiH.
- (4) Zadaci sekretara komiteta su:
  - a) zajedno sa predsjedavajućim priprema i organizuje sjednice komiteta;
  - b) u ime predsjedavajućeg šalje pozive za sjednice sa dnevnim redom i pratećom dokumentacijom;
  - c) vodi zapisnike sa sjednica komiteta;
  - d) ažurira evidenciju članova;
  - e) zajedno sa predsjedavajućim priprema godišnje izvještaje i planove rada na godišnjem nivou;
  - f) aktivno učestvuje na izradi odluka, zaključaka i uputstava komiteta;
  - g) prati realizaciju i provođenje odluka i zaključaka komiteta;
  - h) radi sa svim članovima na izradi izmjena i dopuna propisa iz domena rada komiteta;
  - i) prati usklađenost propisa NS/FS BiH iz domena rada komiteta sa zakonskim propisima u BiH;
  - j) u ime komiteta korespondira sa Generalnim sekretarijatom NS/FS BiH i ostalim statutarnim tijelima NS/FS BiH.

**Član 11.**  
(Saradnja, podrška i radne grupe)

- (1) Svaki komitet saraduje po potrebi sa drugim komitetima, pravnim tijelima, Generalnim sekretarijatom i drugim organima NS/FS BiH.
- (2) Svaki komitet NS/FS BiH može u radu tražiti podršku ili usluge od spoljnih stručnih savjetnika.
- (3) Svaki komitet NS/FS BiH može po potrebi uspostaviti ad hoc radnu grupu za rješavanje određenih oblasti. Ad hoc radnu grupu mogu da čine ograničeni broj članova odnosno komiteta, spoljni stručni savjetnik/ci, kao i zaposlenici nadležnog odjela Generalnog sekretarijata NS/FS BiH.
- (4) Ad hoc radne grupe podnose izvještaj komitetu koji ih je uspostavio.

## **Član 12.**

(Prisustvo i učestalost sjednica)

(1) Članovi komiteta NS/FS BiH moraju lično prisustvovati sjednicama. Zamjenici i/ili pratnja ne mogu pristupiti sjednicama.

(2) Članovi Izvršnog odbora NS/FS BiH zaduženi za pojedine oblasti, Predsjednik i Generalni sekretar NS/FS BiH mogu prisustvovati sjednicama komiteta NS/FS BiH. Sjednicama komiteta NS/FS BiH uvijek prisustvuje sekretar komiteta, a zavisno od potreba mogu biti pozvani i drugi članovi Generalnog sekretarijata NS/FS BiH.

(3) Sjednice komiteta NS/FS BiH nisu otvorene za javnost, međutim, komitet može pozvati treće strane da uzmu učešće na sjednici, ako smatra da je to potrebno shodno dnevnom redu, hitnosti i značaju postupka.

(4) Učestalost sjednica komiteta NS/FS BiH određuje predsjedavajući, u saradnji sa Generalnim sekretarijatom, shodno potrebama i hitnosti situacije i predmeta koje treba razmotriti.

## **Član 13.**

(Dnevni red)

(1) Predsjedavajući komiteta, u saradnji sa sekretarom komiteta, priprema nacrt dnevnog reda za sjednicu.

(2) Sljedeće stavke je potrebno uvrstiti na dnevni red sjednice:

- a) usvajanje zapisnika sa prethodne sjednice;
- b) izvještaj o provedenim procedurama shodno zapisniku sa prethodne sjednice;
- c) teme za sjednicu;
- d) ostalo.

(3) Prijedlog dnevnog reda treba poslati članovima komiteta NS/FS BiH zajedno sa pozivom i relevantnim materijalima sedam dana prije sjednice, a ukoliko obim i priroda poslova zahtjevaju, ovaj rok može biti i kraći od sedam dana.

(4) Članovi komiteta ili sekretar komiteta mogu predložiti predsjedavajućem izmjenu ili dopunu dnevnog reda sjednice. U pravilu, takvi prijedlozi moraju biti upućeni sekretaru komiteta 3 (tri) dana prije održavanja sjednice. Isti se moraju dostaviti u pisanoj formi, te je potrebno navesti argumentovane razloge za izmjenu i dopunu dnevnog reda.

(5) U skladu sa stavom (4) ovog člana potrebno je dostaviti dopunu materijala za novi dnevni red sjednice.

(6) U posebnim i hitnim slučajevima rokovi za dostavljanje poziva i relevantnog materijala, kao i za dostavljanje prijedloga za tačke dnevnog reda od strane članova komiteta ili sekretara komiteta mogu biti i kraći.

(7) Dnevni red se konačno utvrđuje prije početka sjednice. Predsjedavajući može prilagoditi dnevni red ako ocijeni da je određeno pitanje hitno.

(8) Izmjene dnevnog reda se ne mogu vršiti nakon što je isti usvojen glasovima članova komiteta na sjednici.



**Član 14.**  
(Odgovornosti)

Za svaki od stalnih komiteta određene su posebne nadležnosti i odgovornosti, koje su definisane odredbama ovog Pravilnika.

**Član 15.**  
(Zapisnik)

(1) Nakon svake sjednice komiteta NS/FS BiH, sekretar komiteta priprema zapisnik.

(2) Zapisnik se odnosi na aktivnosti koje su poduzimane na sjednici, a treba da sadrži sljedeće:

- a) datum, mjesto i vrijeme sjednice;
- b) listu prisutnih i odsutnih članova
- c) konačni dnevni red;
- d) komentare učesnika za koje je izričito naglašeno da se uvrste u zapisnik;
- e) opis donesenih odluka, zaključaka ili dogovorenih mjera;
- f) jasan opis aktivnosti/zadataka koje je potrebno preduzeti/izvršiti, imena osoba zaduženih za realizaciju datih aktivnosti/zadataka i tačan rok za izvršenje navedenih aktivnosti/zadataka;
- g) datum i mjesto sačinjavanja zapisnika;
- h) ime i potpis sekretara komiteta;

(3) Zapisnik trebaju odobriti članovi komiteta i usvojiti na dan održavanja naredne sjednice, nakon čega se zapisnik prosljeđuje:

- a) članovima komiteta NS/FS BiH;
- b) Generalom sekretaru NS/FS BiH;
- c) osobama zaduženim za realizaciju aktivnosti/zadataka;
- d) ostalim učesnicima koje odredi predsjedavajući komiteta (npr. članovima IO NS/FS BiH ili nekom drugom statutarnom tijelu NS/FS BiH).

(4) U slučaju posebnog značaja pitanja o kojima se razmatra te potrebe vođenja detaljnijeg zapisnika, sjednice komiteta se mogu snimati u vidu audio-zapisa, a za što je potrebna saglasnost većine prisutnih članova komiteta.

(5) Audio-zapis arhivira sekretar komiteta, čuva kao poslovnu tajnu i koristi isključivo u svrhu izrade zapisnika, a isti se po temeljito obrazloženom i opravdanom zahtjevu člana komiteta ili sekretara komiteta može reproducirati članovima komiteta na prvoj narednoj sjednici, u cilju dokazivanja izrečenog na određenoj sjednici. O opravdanosti zahtjeva odlučuje predsjedavajući komiteta.

**Član 16.**  
(Etičko i profesionalno ponašanje i ostale obaveze)

(1) Prije stupanja na dužnost, članovi komiteta NS/FS BiH su dužni:

- a) da pismeno obavijeste Generalnog sekretara NS/FS BiH o svim funkcijama koje su obavljali ili koje trenutno obavljaju, posebno one vezane za nogomet/fudbal, a koje bi mogle doći u sukob sa funkcijom unutar NS/FS BiH te o svim drugim profesionalnim angažmanima, zvanjima ili poslovnim relacijama i/ili vezama sa osobama ili kompanijama;
- b) da odmah pismeno obavijeste Generalnog sekretara NS/FS BiH o svakoj promjeni u pogledu navedenog u tački a) ovog stava tokom trajanja svog mandata (članstva).

(2) Tokom svog mandata članovi komiteta NS/FS BiH su dužni:

- a) da poštuju principe vjernosti, integriteta i sportskog duha u skladu sa principima korektnosti, što posebno uključuje obavezu suzdržavanja od svih aktivnosti koje bi mogle ugroziti integritet NS/FS BiH ili njegovih takmičenja ili nogometu/fudbalu donijeti loš ugled;
- b) da se suzdrže od prihvatanja bilo kakvih novčanih darova, te prihvatanja bilo kakvog oblika koristi za koju bi se realno moglo smatrati da prevazilazi lokalne kulturne običaje (ova se odredba odnosi na besplatne pozive trećih strana koje imaju interes da utiču na buduće odluke ili izbore unutar NS/FS BiH; ako u vezi sa ovim postoji dilema, članovi su dužni konsultovati Generalnog sekretara NS/FS BiH);
- c) da poštuju i sva ostala etička pravila ponašanja navedena u FIFA Etičkom kodeksu te ostalim pravnim aktima NS/FS BiH.

(3) Od članova komiteta NS/FS BiH se očekuje:

- a) da izvršavaju sve zadatke uz najviše profesionalne vještine i pažnju, a u skladu sa statutima, pravilnicima, direktivama i odlukama NS/FS BiH, FIFA i UEFA;
- b) da preduzimaju razumne korake na sticanju i održavanju svih neophodnih vještina za obavljanje svakog zadatka datog od NS/FS BiH i/ili FIFA/UEFA, što uključuje i sticanje znanja o relevantnim pravilnicima, direktivama, instrukcijama i uputstvima koje izdaju NS/FS BiH, FIFA i UEFA;
- c) da na početku svog mandata potpišu izjavu da su saglasni da će poštovati statute, pravilnike, direktive i odluke NS/FS BiH i UEFA-e, te da priznaju nadležnost Arbitražnog suda za sport u Lozani (CAS), kao što je utvrđeno u statutima NS/FS BiH i UEFA-e;
- d) da dostave lične podatke sekretaru komiteta i da ga obavijeste o eventualnim promjenama putem telefona, e-maila, faksa ili poštom;
- e) da obavijeste sekretara komiteta o svakoj svojoj vezi sa članicama, ligom ili klubovima koji učestvuju u takmičenjima NS/FS BiH i UEFA-e, te da ga shodno tome, na vrijeme obavijeste o svakoj promjeni datih informacija;
- f) da se pripreme za sjednicu;
- g) da aktivno učestvuju u diskusijama;
- h) da obavljaju dodijeljene zadatke u utvrđenim rokovima;
- i) da daju puni doprinos postizanju utvrđenih ciljeva.

#### **Član 17.**

(Dnevnice, troškovi i druga prava)

Članovi komiteta imaju pravo na:

- a) takse koje je utvrdio NS/FS BiH,
- b) dnevnice utvrđene zakonom,
- c) naknadu putnih i drugih realnih troškova (npr. hotelskog smještaja), kada to Generalni sekretar ocijeni opravdanim.

## **2. USLOVI ZA ČLANSTVO I NADLEŽNOSTI**

### **2.1. FINANSIJSKI KOMITET**

#### **Član 18.**

(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi Finansijskog komiteta moraju imati visoku stručnu spremu, završen ekonomski fakultet (četverogodišnji studij ili minimalno 180 ECTS bodova), uz stručno iskustvo od tri godine nakon sticanja tražene stručne spreme.

#### **Član 19.**

(Nadležnosti i zadaci)

Finansijski komitet, u saradnji sa Službom ekonomskih poslova, ima sljedeće nadležnosti i zadatke:

- a) učestvuje u izradi budžeta (davanjem prijedloga i sugestija) i usaglašen prijedlog predlaže Generalnom sekretaru i IO NS/FS BiH na razmatranje i usvajanje;
- b) savjetodavno djeluje u cilju kvalitetnog upravljanja sredstvima i finansijskim rizikom;
- c) učestvuje u izradi koncepta planiranja i investiranja;
- d) daje primjedbe i prijedloge IO NS/FS BiH vezano za odgovarajuće ugovore finansijskog karaktera;
- e) razmatra mišljenje nezavisnog revizora i predlaže mjere, ukoliko su potrebne i analizira njihovu realizaciju;
- f) djeluje na uspostavljanju sistema internih kontrola i njegovoj dosljednoj primjeni;
- g) po potrebi saraduje sa nezavisnim revizorom, drugim komitetima i pravnim tijelima NS/FS BiH;
- h) ovaj Komitet je nadležan i za druga pitanja u skladu sa odlukama Izvršnog odbora NS/FS BiH.

### **2.2. KOMITET ZA TAKMIČENJA**

#### **Član 20.**

(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi Komiteta za takmičenje moraju imati visoku stručnu spremu (četverogodišnji studij ili minimalno 180 ECTS bodova) ili niži stepen stručne spreme uz uslov da su u prethodnom periodu obavljali dužnost člana komisije/komiteta za takmičenje u trajanju od najmanje četiri godine na entitetskim ili državnom nivou ili da su obavljali dužnost delegata na Premijer ligi BiH ili prvim ligama NS FBiH i FSRS u trajanju od najmanje 4 (četiri) godine.

**Član 21.**  
(Nadležnosti i zadaci)

(1) Komitet za takmičenja vrši praćenje svih takmičenja koja su u nadležnosti NS/FS BiH, savjetuje IO NS/FS BiH i Generalnog sekretara o svim vrstama pitanja vezanim za takmičenja i upravljanje organizacijom takmičenja, ne samo ona od državne važnosti nego i za pojedinačne klubove, a koja se trebaju stalno pratiti i analizirati.

(2) Komitet za takmičenja treba imati vrlo dobru, stalnu i blisku saradnju sa svim drugim komitetima, kako bi imao potpuniji uvid u sva takmičenja i sve s njima povezane aspekte koji su u nadležnosti NS/FS BiH.

(3) Komitet za takmičenja mora posjedovati sve relevantne informacije o takmičenjima u svakom trenutku i mora ih biti spreman dostavljati Generalnom sekretaru NS/FS BiH na dnevnoj osnovi, kao i IO NS/FS BiH, radi odlučivanja i preduzimanja mjera prema potrebi.

(4) IO NS/FS BiH daje smjernice Komitetu za takmičenja u smislu ciljeva i prioriteta takmičarskih politika, kao i pravila koja Komitet za takmičenja treba ispravno slijediti.

(5) Komitet za takmičenja nezavisno i permanentno izvršava sljedeće zadatke:

- a) izvještava IO NS/FS BiH i Generalnog sekretara o takmičenjima u nadležnosti NS/FS BiH;
- b) utvrđuje i daje prijedlog IO NS/FS BiH u vezi sa mogućim promjenama sistema takmičenja u BiH;
- c) odgovorno upravlja procesima organizacionog rizika takmičenja;
- d) predlaže politiku ulaganja u infrastrukturu potrebnu za redovna takmičenja;
- e) predlaže mjere za spriječavanje potencijalnih problema u utakmicama „visokog rizika“ zajedno s Komitetom za stadione i sigurnost NS/FS BiH;
- f) ocjenjuje regularnost takmičenja i podnosi izvještaje IO NS/FS BiH;
- g) provodi seminare i predlaže listu delegata IO NS/FS BiH za utakmice Premijer lige BiH, Premijer omladinske lige, Premijer futsal lige i Premijer ženske lige;
- h) upravlja procesima, stalno nadzire i kontroliše sva takmičenja u nadležnosti NS/FS BiH;
- i) predlaže IO NS/FS BiH kalendar stalnih takmičenja iz svoje nadležnosti;
- j) izrađuje preporuke o eventualnim izmjenama i dopunama postojećih klupskih takmičenja NS/FS BiH, kao i izmjenama i dopunama svih pravilnika kojima su regulisana ova takmičenja;
- k) Predsjedavajući i dva potpredsjedavajuća Komiteta vrše delegiranje delegata na utakmicama Premijer lige, a ostali članovi na utakmicama ostalih takmičenja u nadležnosti NS/FS BiH, u skladu sa internom raspodjelom;
- l) prati pripremu i izvođenje svih faza takmičenja;
- m) prati i ocjenjuje rad delegata i predlaže listu istih prema IO NS/FS BiH, u skladu sa Pravilnikom o kriterijima, ocjenjivanju i rangiranju rada delegata;
- n) vrši registraciju utakmica Premijer lige BiH i završnice Kup-a BiH, kao i utakmica ostalih takmičenja u nadležnosti NS/FS BiH;
- o) rješava zahtjeve, žalbe, pritužbe i prigovore u vezi s takmičenjem i listama delegata, kao i druge akte upućene NS/FS BiH, ukoliko se odnose na takmičenje, po važećim

propozicijama i pravilima igre koje je donio IFAB, a usvojili FIFA, UEFA i NS/FS BiH;

- p) prati pripremu i provođenje i određuje uslove izvlačenja takmičarskih parova;
- q) predlaže format i pravila kvalifikacija za Kup BiH;
- r) ovaj Komitet je nadležan i za druga pitanja u skladu sa odlukama Izvršnog odbora NS/FS BiH.

### **2.3. TEHNIČKI KOMITET**

#### **Član 22.**

(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati visoku stručnu spremu, (četverogodišnji studij ili minimalno 180 ECTS bodova), uz stručno iskustvo od tri godine nakon sticanja tražene stručne spreme i iskustvo od pet godina kao istaknuti stručnjak u nogometu/fudbalu.

#### **Član 23.**

(Nadležnosti i zadaci)

U saradnji sa Sektorom za reprezentativne selekcije i edukaciju, Tehnički komitet je nadležan za sljedeće:

- a) učestvovanje u izradi prijedloga plana i programa za unapređenje rada svih reprezentativnih selekcija;
- b) utvrđivanje kriterija za izbor i imenovanja u stručnim štabovima reprezentativnih selekcija te predlaganje članova stručnih štabova svih reprezentativnih selekcija BiH;
- c) unapređivanje kvaliteta nogometa/fudbala, putem savremenih metoda treninga;
- d) poduzimanje svih neophodnih mjera za poboljšanje radno-pravnog statusa trenera;
- e) rješavanje pitanja nogometne/fudbalske teorije i prakse;
- f) učestvovanje u provođenju seminara za trenere, u saradnji sa Edukacionim centrom NS/FS BiH;
- g) ovaj Komitet rješava i druga pitanja u saradnji sa Sektorom za reprezentativne selekcije i edukaciju, a u skladu sa odlukama Izvršnog odbora NS/FS BiH.

### **2.4. KOMITET ZA SPORTSKU MEDICINU**

#### **Član 24.**

(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati visoku stručnu spremu, završen medicinski fakultet – specijalizacija iz oblasti sportske medicine ili dr. uz stručno iskustvo od tri godine nakon sticanja tražene stručne spreme.

#### **Član 25.**

(Nadležnosti i zadaci)

Komitet za sportsku medicinu je nadležan za sljedeće:

- a) prati odredbe svih zakona, podzakonskih akata i drugih domaćih propisa i svih međunarodnih propisa relevantnih za NS/FS BiH, uključujući zakone i pravilnike UEFA-e i FIFA-e kao i domaće pravne propise i standarde u pogledu zdravstvene zaštite nogometaša/fudbalera;
- b) osigurava unapređenje zdravstvene zaštite nogometaša/fudbalera svih uzrasta;
- c) saraduje sa entitetskim i područnim/kantonalnim savezima i klubovima radi razvoja zdravstvene službe i zaštite u klubovima i vršenja redovnih ljekarskih pregleda igrača;
- d) organizuje edukacije za klupske doktore, fizioterapeute i trenere iz područja medicine u saradnji sa zdravstvenim institucijama i stručnjacima sportske medicine;
- e) predlaže kriterije za izbor doktora i fizioterapeuta svih reprezentativnih selekcija;
- f) ostvaruje saradnju sa Agencijom za antidoping kontrolu BiH i preduzima odgovarajuće mjere i aktivnosti protiv dopinga, uključujući i Pravilnik o antidopingu;
- g) na kraju svake takmičarske sezone podnosi izvještaj IO NS/FS BiH o stanju zdravstvene zaštite u klubovima u okviru NS/FS BiH i drugim aktivnostima;
- h) obavlja inspekcijski nadzor, te dostavlja mišljenje Komitetu za takmičenje, u pogledu ispunjenosti medicinskih zahtjeva na stadionima na kojima se odigravaju utakmice takmičenja NS/FS BiH;
- i) ovaj Komitet je nadležan i za sva ostala pitanja u skladu sa odlukama i zahtjevima Izvršnog odbora NS/FS BiH.

## **2.5. KOMITET ZA SUDIJE I SUĐENJE**

### **Član 26.**

(Uslovi za status člana)

Pored uslova iz člana 19. Statuta NS/FS BiH, predsjedavajući i dva potpredsjedavajuća moraju biti instruktori suđenja I kategorije, a ostali članovi moraju minimalno biti instruktori suđenja II kategorije.

### **Član 27.**

(Nadležnosti i zadaci)

Komitet za sudije i suđenje nadležan za sljedeće:

- a) Predsjedavajući i dva potpredsjedavajuća Komiteta, u saradnji sa Odjelom za sudije i suđenje, vrše delegiranje službenih lica za utakmice Premijer lige BiH, a ostala tri člana vrše delegiranje službenih lica za utakmice ostalih takmičenja u nadležnosti NS/FS BiH, u skladu sa internom raspodjelom zadataka;
- b) prati osiguravanje uslova za dobar rad sudija, pitanja vezana za korištenje adekvatnih sudijskih tehnologija i postupaka za održavanje i zaštitu fer-plej ponašanja igrača na nogometnim/fudbalskim utakmicama te prati djelotvornost i efikasnost različitih pristupa i rezultata od strane referentnih sudija;
- c) svi članovi Komiteta ravnopravno učestvuju u analizi izvještaja sa svih utakmica iz nadležnosti NS/FS BiH;
- d) savjetuje IO NS/FS BiH o svim pitanjima i operativnom upravljanju u vezi sa smjernicama i postupcima za dobro suđenje bitnim za nogometnu/fudbalsku igru, utakmice i igrače;

- e) posmatra, prati, nadzire i analizira izvještaje posmatrača suđenja, uzimajući u obzir sve aspekte i okolnosti nogometnog/fudbalskog takmičenja i utakmica kao i svih događaja koji zahtijevaju ocjenu rada sudija i uslova za njihov nastup i vođenje utakmica te predlaže ili nezavisno preduzima odgovarajuće i relevantne mjere;
- f) izrađuje izvještaje o radu Komiteta te ih podnosi IO NS/FS BiH u skladu sa UEFA-inom Konvencijom o edukaciji i organizaciji sudija (u nastavku: UEFA Konvencija o sudijama);
- g) na osnovu postignutih rezultata ocjenjuje i rangira sudije, asistente sudija i posmatrača suđenja po kategorijama;
- h) provodi program razvoja radi obuke i edukacije sudija, asistenata sudija, sudija futsala, instruktora sudija i posmatrača suđenja, kako bi se osigurala pravilna, unificirana i konzistentna primjena pravila igre;
- i) prepoznaje, prati i podržava perspektivne mlade sudije;
- j) predstavlja NS/FS BiH prema njegovim asocijacijama članicama u pitanjima vezanim za sudije i suđenje;
- k) razvija suđenje u članicama NS/FS BiH kroz implementaciju putem Panela za sprovođenje UEFA-ine Konvencije o sudijama;
- l) predlaže listu instruktora sudija i posmatrača suđenja;
- m) izrađuje i provodi svoj program razvoja u skladu s UEFA-e i FIFA-e instrukcijama;
- n) pomaže asocijacijama članicama NS/FS BiH u pitanjima vezanim za sudije i suđenje;
- o) predlaže odluku o broju sudija, kao i listu sudija za sva takmičenja u nadležnosti NS/FS BiH;
- p) na osnovu propisanih kriterija dostavlja FIFA-i prijedloge sudija za FIFA međunarodnu listu sudija;
- q) imenuje instruktore za teoretski i praktični dio ispita za sticanje pojedinih kategorija zvanja sudija, u skladu sa Pravilnikom o sudijama i suđenju NS/FS BiH;
- r) određuje sudije za prijateljske međunarodne utakmice reprezentacija NS/FS BiH, u saradnji sa Odjelom za sudije i suđenje;
- s) daje tumačenja Pravila igre i predlaže odluke u vezi s njima;
- t) podnosi mjesečne izvještaje, kao i izvještaje na kraju polusezone i sezone IO NS/FS BiH, u skladu sa odredbama UEFA-ine Konvencije o sudijama;
- u) u saradnji sa Odjelom za sudije i suđenje sačinjava ispitne zadatke i formu polaganja ispita za stjecanje zvanja savezni sudija;
- v) ovaj Komitet je nadležan i za sva ostala pitanja u skladu odlukama Izvršnog odbora NS/FS BiH, kao i odredbama Pravilnika o sudijama i suđenju NS/FS BiH, te UEFA Sudijske konvencije.

## **2.6. KOMITET ZA OMLADINSKI NOGOMET**

### **Član 28.**

(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati VŠS ili visoku stručnu spremu (četverogodišnji studij ili minimalno 180 ECTS bodova), uz stručno iskustvo od tri godine nakon sticanja tražene stručne spreme ili iskustvo od tri godine kao istaknuti stručnjak u nogometu/fudbalu.

**Član 29.**  
(Nadležnosti i zadaci)

Komitet za omladinski nogomet nadležan je za sljedeće:

- a) u saradnji sa Sektorom za reprezentativne selekcije i edukaciju predlaže način organizovanja takmičenja u omladinskoj konkurenciji u BiH za duži vremenski period;
- b) u saradnji sa Sektorom za reprezentativne selekcije i edukaciju predlaže mjere za unapređenje razvoja omladinskog nogometa/fudbala;
- c) predlaže izmjene i dopune propisa u vezi sa omladinskim nogometom;
- d) ovaj Komitet je nadležan i za druga pitanja u skladu sa odlukama Izvršnog odbora NS/FS BiH.

## **2.7. KOMITET ZA ŽENSKI NOGOMET**

**Član 30.**  
(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati VŠS ili visoku stručnu spremu (četverogodišnji studij ili minimalno 180 ECTS bodova), uz stručno iskustvo od tri godine nakon sticanja tražene stručne spreme ili iskustvo od tri godine kao istaknuti stručnjak u nogometu/fudbalu.

**Član 31.**  
(Nadležnosti i zadaci)

Komitet za ženski nogomet nadležan je za sljedeće:

- a) u saradnji sa Sektorom za reprezentativne selekcije i edukaciju om za sport predlaže način organizovanja takmičenja u ženskoj konkurenciji u BiH za duži vremenski period;
- b) u saradnji sa Sektorom za reprezentativne selekcije i edukaciju predlaže mjere za unapređenje razvoja ženskog nogometa;
- c) predlaže izmjene i dopune propisa u vezi sa ženskim nogometom;
- d) ovaj Komitet je nadležan i za druga pitanja u skladu sa odlukama Izvršnog odbora NS/FS BiH.

## **2.8. KOMITET ZA FUTSAL**

**Član 32.**  
(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati VŠS ili visoku stručnu spremu (četverogodišnji studij ili minimalno 180 ECTS bodova), uz stručno iskustvo od tri godine nakon sticanja tražene stručne spreme ili iskustvo od tri godine kao istaknuti stručnjak u nogometu/fudbalu.

**Član 33.**  
(Nadležnosti i zadaci)

Komitet za futsal nadležan je za sljedeće:



- a) u saradnji sa Sektorom za reprezentativne selekcije i edukaciju predlaže mjere za unapređenje razvoja futsala;
- b) predlaže izmjene i dopune propisa u vezi sa futsalom;
- c) ovaj Komitet je nadležan i za sva ostala pitanja u skladu sa odlukama Izvršnog odbora NS/FS BiH.

## **2.9. KOMITET ZA STATUS IGRAČA I TRANSFERE**

### **Član 34.**

(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati visoku stručnu spremu, završen pravni fakultet (četverogodišnji studij ili minimalno 180 ECTS bodova), uz stručno iskustvo od tri godine nakon sticanja tražene stručne spreme.

### **Član 35.**

(Nadležnosti i zadaci)

Komitet za status igrača i transfere nadležan je za sljedeće:

- a) prati osiguravanje uslova i ostalih neophodnih elemenata za radno, profesionalno, ekonomsko, socijalno, zdravstveno, edukaciono i tehničko stanje igrača, trenera i nogometnih/fudbalskih zastupnika, prema potrebi, štiti njihov opšti status, legitimna prava i interese, osiguravajući najbolji način za ostvarivanje njihovih interesa i prava kao i odgovornosti i obaveza, ali takođe štiti i legitime interese i prava NS/FS BiH, kao i njegovih udruženih članova uključujući i klubove;
- b) prati i primjenjuje najbolju praksu vođenja sigurnog i povoljnog statusa igrača, trenera i nogometnih/fudbalskih zastupnika, kontroliše transfer igrača iz kluba u klub, primjenjuje promotivne strategije i akcije kako bi se iste implementirale u NS/FS BiH i njegovim udruženim članovima, uz posebnu pažnju da one budu usklađene sa pravilnicima NS/FS BiH, FIFA Pravilnikom za status i transfer igrača, međunarodnim i domaćim propisima/zakonima koji se odnose na ljudska prava, zakonima o radu, pravima iz radnog odnosa te svim ostalim opštim i posebnim međunarodnim i domaćim propisima relevantnim za status igrača i trenera kroz različite načine angažmana (profesionalno, radni odnos, amaterski, dobrovoljno, i sl.), kao i sa aktuelnim postupcima u ovoj oblasti;
- c) kao drugostepeni organ rješava žalbe protiv odluka prvostepenih komisija za status i transfer igrača, a u skladu sa Pravilnikom o registracijama klubova i igrača i statusu i transferu igrača NS/FS BiH, Pravilnikom o statusu trenera NS/FS BiH i Pravilnikom o nogometnim/fudbalskim zastupnicima NS/FS BiH;
- d) priprema prijedloge izmjena i dopuna propisa koji se odnose na registraciju klubova i igrača i status i transfer igrača i nogometne/fudbalske zastupnike NS/FS BiH;
- e) daje tumačenja i mišljenja vezana za primjenu Pravilnika o registracijama klubova i igrača i statusu i transferu igrača NS/FS BiH i Pravilnika o nogometnim/fudbalskim zastupnicima NS/FS BiH;
- f) osigurava poštivanje FIFA Pravilnika o statusu i transferu igrača i FIFA Pravilnika o nogometnim/fudbalskim zastupnicima;
- g) rješava i druga pitanja unutar svoje nadležnosti koje joj povjeri IO NS/FS BiH;
- h) ovaj Komitet je nadležan i za sva ostala pitanja u skladu sa odlukama Izvršnog odbora NS/FS BiH.

## **2.10. PRAVNI KOMITET**

### **Član 36.**

(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati visoku stručnu spremu, završen pravni fakultet (najmanje četverogodišnji studij ili minimalno 180 ECTS bodova), uz stručno iskustvo od pet godina nakon sticanja tražene stručne spreme.

### **Član 37.**

(Nadležnosti i zadaci)

Pravni komitet nadležan je za sljedeće:

- a) vrši praćenje odredbi svih zakona, podzakonskih akata i propisa i svih međunarodnih propisa relevantnih za NS/FS BiH, uključujući pravilnike UEFA-e i FIFA-e, kao i domaće pravne akte koje izdaju nadležna zakonodavna tijela, kao i pravilnike koje izradi bilo koje tijelo ili član NS/FS BiH, a u vezi sa nadležnostima NS/FS BiH, vrši ocjenu njihove međustobne usklađenosti, procjenjuje valjanost svih relevantnih pravilnika i propisa sa posebnim osvrtom na osiguravanje konačnih verzija svih navedenih dokumenata NS/FS BiH, prije nego što ih razmotri i usvoji IO NS/FS BiH ili Generalna skupština NS/FS BiH;
- b) prati i provodi najbolju praksu u održavanju efektivnih pravnih struktura i funkcija drugih nogometnih/fudbalskih saveza, kao i praksu FIFA-e i UEFA-e kako bi se razvila i osigurala potpuna vladavina prava;
- c) prati i primjenjuje najbolju praksu i ponašanje svih odgovornih tijela i pojedinaca u smislu njihovih obaveza, kako bi se poštovali svi zakoni, podzakonski akti, kao i propisi, čime bi se spriječila zloupotreba obaveza propisanih tim dokumentima;
- d) daje mišljenje o predloženim kandidatima entitetskih saveza o ispunjavanju uslova za članstvo u komitetima iz ovog pravilnika;
- e) vrši analizu pravnih pitanja vezanih za nogomet/fudbal i o tome savjetuje IO NS/FS BiH i Generalnog sekretara NS/FS BiH;
- f) daje pravne savjete vezano za statut i pravilnike NS/FS BiH, kao i statut i pravilnike saveza članica NS/FS BiH (NS FBiH i FS RS);
- g) raspravlja i proučava domaće zakone koju utiču na nogomet/fudbal i NS/FS BiH;
- h) daje pravne savjete o sporovima u koje je uključen NS/FS BiH;
- i) prati izradu zakona u BiH i EU u oblasti sporta uopšte, a naročito u oblasti nogometa/fudbala;
- j) ovaj Komitet je nadležan i za sva ostala pitanja u skladu sa odlukama Izvršnog odbora NS/FS BiH.

## **2.11. KOMITET ZA STADIONE I SIGURNOST**

### **Član 38.**

(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati visoku stručnu spremu (četverogodišnji studij ili minimalno 180 ECTS bodova), uz radno iskustvo od najmanje tri godine nakon sticanja tražene stručne spreme u javnim službama sigurnosti ili zaštitarskim agencijama ili da su u prethodnom periodu obavljali dužnost člana Komiteta za

stadione i sigurnost u trajanju od najmanje četiri godine, te da imaju iskustvo u organizaciji sportskih javnih okupljanja. Obavezno je poznavanje engleskog jezika (nivo A2.2).

**Član 39.**  
(Nadležnosti i zadaci)

Komitet za stadione i sigurnost nadležan je za sljedeće:

- a) prati odredbe svih zakona, podzakonskih akata, propisa i svih međunarodnih propisa relevantnih za NS/FS BiH, uključujući pravilnike UEFA-e i FIFA-e kao i domaće pravne propise i standarde povezane sa izgradnjom i sigurnosti stadiona kao i sprečavanjem incidenata i huliganstava na sportskim događajima;
- b) predlaže izmjene i dopune propisa iz oblasti sigurnosti;
- c) registruje sve negativne pojave na nogometnim/fudbalskim stadionima i predlaže mjere kojima se sprječava širenje istih;
- d) na kraju svake takmičarske sezone, a po potrebi i češće, podnosi izvještaj IO NS/FS BiH o sigurnosnom stanju na nogometnim/fudbalskim utakmicama;
- e) organizuje seminare za voditelje osiguranja klubova na temu sigurnosti organizacije utakmica;
- f) podstiče saradnju klubova sa organizovanim klubovima navijača;
- g) u saradnji sa Odjelom za takmičenje, utvrđuje koje utakmice takmičenja u organizaciji NS/FS BiH se mogu smatrati utakmicama od visokog rizika, te na iste u svojstvu komesara za sigurnost NS/FS BiH delegira članove Komiteta i članove GS NS/FS BiH koji su nadležni za ovu oblast ili kontrolore sigurnosti sa liste koju usvaja IO NS/FS BiH, a delegiranje vrše predsjedavajući i dva potpredsjedavajuća Komiteta. Članovi Komiteta ne mogu prisustvovati utakmicama u svojstvu komesara za sigurnost ako postoji lista kontrolora sigurnosti usvojena od strane IO NS/FS BiH;
- h) predlaže planove obezbjeđenja utakmica svih reprezentativnih selekcija NS/FS BiH;
- i) predlaže IO NS/FS BiH Oficira za sigurnost NS/FS BiH, u skladu sa propisima FIFA i UEFA;
- j) ovaj Komitet je nadležan i za sva ostala pitanja u skladu sa odlukama Izvršnog odbora NS/FS BiH.

## **2.12. KOMITET ZA MEDIJE**

**Član 40.**  
(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati VŠS ili visoku stručnu spremu (četverogodišnji studij ili minimalno 180 ECTS bodova), uz stručno iskustvo od tri godine nakon sticanja tražene stručne spreme.

**Član 41.**  
(Nadležnosti i zadaci)

Komitet za medije nadležan je za sljedeće:

- a) prati odredbe svih relevantnih propisa, pravilnika i dokumenata koje izdaju nadležni organi, a odnose se na informisanje javnosti;

- b) prati i proučava razvoj odgovarajućih medijskih alata i tehnologija i izrađuje vlastite predloge pravila i propisa o prenošenju informacija i korištenju medija za nadležne organe NS/FS BiH i njegove članove uključujući i klubove, u okviru nadležnosti NS/FS BiH te ocjenjuje adekvatnost različitih medija za promovisanje nogometne/fudbalske igre i efikasno prenošenje relevantnih informacija o nogometu/fudbalu i za nogomet/fudbal;
- c) prati prakse i ponašanje svih odgovornih tijela i pojedinaca u okviru NS/FS BiH u smislu njihovih obaveza poštivanja modernih medijskih standarda i propisa radi sprječavanja eventualnih dezinformacija o svim akterima nogometne/fudbalske igre i takmičenja;
- d) prati, mjeri i predlaže uvođenje najboljih praksi, alata i tehnologija za što efikasniju i snažniju promociju nogometne/fudbalske igre, ciljeva, vrijednosti i aktivnosti NS/FS BiH, njegovih članica uključujući i klubove;
- e) prati i medijsko izvještavanje o ponašanju, fer pleju, moralu i društvenoj odgovornosti svih aktera nogometne/fudbalske igre i takmičenja;
- f) ovaj Komitet je nadležan i za sva ostala pitanja u skladu sa odlukama Izvršnog odbora NS/FS BiH.

## **2.13. KOMITET ZA MARKETING I TV**

### **Član 42.**

(Uslovi za status člana)

Pored uslova iz člana 19. Statuta NS/FS BiH, članovi i zamjenski članovi moraju imati visoku stručnu spremu, završen ekonomski fakultet (četverogodišnji studij ili minimalno 180 ECTS bodova), uz stručno iskustvo od tri godine nakon sticanja tražene stručne spreme.

### **Član 43.**

(Nadležnosti i zadaci)

Komitet za marketing i TV nadležan je za sljedeće:

- a) prati odredbe svih relevantnih domaćih i međunarodnih propisa, uključujući propise UEFA-e i FIFA-e, povezanih sa opštim aktivnostima marketinga i reklamiranja putem TV-a, naročito one povezane sa sportom uopšte, a posebno sa fudbalom;
- b) prati i proučava razvoj odgovarajućih nogometnih/fudbalskih marketinških alata i tehnologija kao i TV tehnologija i izrađuje vlastite prijedloge pravila i propisa o marketingu i korištenju TV-a za nadležne organe NS/FS BiH i njegove članove uključujući i klubove, u okviru nadležnosti NS/FS BiH, te ocjenjuje adekvatnost različitih marketinških istraživanja za promovisanje nogometne/fudbalske igre korištenjem TV-a kao najpristupačnijeg i najprihvatljivijeg medija;
- c) prati i mjeri najbolje prakse održavanja razvoja dobrih marketinških praksi i upotrebe TV-a u korist nogometne/fudbalske igre;
- d) prati i proučava prakse i ponašanje svih odgovornih tijela i pojedinaca u okviru NS/FS BiH u smislu njihovih obaveza da istražuju tržište i reklamiraju nogometnu/fudbalsku igru;
- e) raspravlja o opštoj marketinškoj strategiji za sva takmičenja NS/FS BiH i o njihovoj vezi sa mrežom TV medija radi informisanja IO NS/FS BiH;
- f) savjetuje o pitanjima koja se tiču odnosa između NS/FS BiH i raznih marketinških i medijskih partnera, naročito TV-a;

- g) podstiče razmjenu informacija između drugih saveza članova UEFA-e i FIFA-e i/ili klubova o marketingu i TV-u;
- h) daje prethodno mišljenje na prijedloge novih marketinških ugovora NS/FS BiH, prije konačne odluke IO NS/FS BiH;
- i) ovaj Komitet je nadležan i za sva ostala pitanja u skladu sa odlukama Izvršnog odbora NS/FS BiH.

## **IV PRAVNA TIJELA NS/FS BiH**

### **1. ZAJEDNIČKE ODREDBE ZA PRAVNA TIJELA**

#### **Član 45.**

(Sastav pravnih tijela)

(1) Pravna tijela NS/FS BiH, izuzev Tužilaca NS/FS BiH, sastoje se od šest redovnih članova, uključujući predsjedavajućeg, prvog potpredsjedavajućeg, drugog potpredsjedavajućeg i tri zamjenska člana.

(2) Članove pravnih tijela bira Generalna skupština NS/FS BiH na mandat od četiri godine, uz rotaciju predsjedavajućeg, prvog potpredsjedavajućeg i drugog potpredsjedavajućeg svakih 16 (šesnaest) mjeseci.

(3) Generalna skupština NS/FS BiH osigurava da 2/3 (dvije trećine) članova pravnog tijela budu predstavnici NS FBiH, a 1/3 (jedna trećina) predstavnici FS RS.

(4) Predsjedavajući i prvi potpredsjedavajući pravnog tijela ne mogu biti iz istog entitetskog saveza (NS FBiH ili FS RS). Izbor drugog potpredsjedavajućeg je otvoren samo za člana pravnog tijela koji predstavlja NS FBiH.

(5) Ako predsjedavajući prvostepenog pravnog tijela (npr. disciplinske ili komisije za licenciranje) bude izabran iz jednog entitetskog saveza (NS FBiH ili FS RS), onda se predsjedavajući drugostepenog tijela (npr. apelacione ili drugostepene komisije za licenciranje) mora automatski birati iz drugog entitetskog saveza (NS FBiH ili FS RS).

(6) Članovi pravnih tijela ne mogu u isto vrijeme biti članovi niti jednog drugog tijela NS/FS BiH.

#### **Član 46.**

(Imenovanje članova pravnih tijela)

(1) Članove pravnih tijela imenuje Generalna skupština NS/FS BiH, na prijedlog udruženih članova NS/FS BiH (NS FBiH i FS RS), putem Izvršnog odbora NS/FS BiH, a nakon provedene procedure verifikacije kandidata u skladu sa Poslovníkom o radu Generalne skupštine NS/FS BiH.

(2) Generalni sekretarijat NS/FS BiH određuje razuman rok za podnošenje prijedloga za imenovanje pravnih tijela.

## **Član 47.**

(Razrješenje članstva u pravnom tijelu)

(1) Član pravnog tijela može biti razriješen funkcije (članstva) te po potrebi, zamijenjen putem Izvršnog odbora, za preostali period mandata (članstva) u slučaju:

- a) smrti;
- b) ostavke;
- c) nesposobnosti obavljanja dužnosti zbog teške bolesti ili nesreće;
- d) razrješenja prema odredbama Statuta NS/FS BiH;
- e) ukoliko prema ocjeni IO NS/FS BiH svoju funkciju obavlja na nezadovoljavajući način;
- f) kada član ne prisustvuje na najmanje dvije propisno sazvane sjednice komiteta bez opravdanog razloga tokom iste kalendarske godine.

(2) Ako jedno od pravnih tijela bude svedeno na šest ili manje članova (uključujući i zamjenske), IO NS/FS BiH odmah saziva vanrednu Generalnu skupštinu NS/FS BiH za izbor novih članova/zamjenskih članova, kako bi se upotpunilo određeno pravno tijelo za ostatak mandata.

(3) Ako valjano pozvan član ne prisustvuje sjednici bez opravdanog razloga ili ne glasa na dvije uzastopne sjednice, predsjedavajući ga može zamijeniti zamjenskim članom.

(4) Predsjedavajući obavještava IO NS/FS BiH o takvoj zamjeni člana, a IO NS/FS BiH može privremeno takvog člana razriješiti funkcije, što odmah stupa na snagu. Uz to, IO NS/FS BiH zahtijeva da se na narednoj Generalnoj skupštini (redovnoj ili vanrednoj) glasa o razrješenju takvog člana. Ako se razrješenje potvrdi, on treba biti zamijenjen za ostatak mandata putem izbora koji se održavaju u skladu sa Statutom NS/FS BIH.

## **Član 48.**

(Kvorum i odluke)

(1) Predsjedavajući pravnog tijela saziva sjednice i upućuje poziv sa dnevnim redom ostalim redovnim članovima. Svaki član se može zamijeniti zamjenskim članom kada takav član ne može prisustvovati sjednici iz opravdanih razloga (nesreća, bolest, odmor, itd.).

(2) Kvorum prisustva za pravna tijela je najmanje pet članova. Ako se ne postigne kvorum prisustva na redovno zakazanoj sjednici, u roku od narednih sedam dana se saziva ponovljena sjednica, gdje najmanje tri člana moraju biti prisutna.

(3) Odluke se donose na redovno zakazanoj sjednici ako ih podrži najmanje pola prisutnih članova, a na ponovljenoj sjednici ako ih podrži više od polovine prisutnih članova. U slučaju neriješenog glasanja, odlučujući glas je glas predsjedavajućeg.

(4) Glasanje se obavlja dizanjem ruku.

(5) U hitnim slučajevima, može se zakazati telefonska sjednica na kojoj članovi pravnih tijela telefonski saopštavaju svoj glas, o čemu obavezno dostavljaju pisano očitovanje (putem e-maila ili faxesa).

(6) U specifičnim okolnostima više sile (pandemija, prirodne nepogode i sl.), sjednica se može održati putem video-konferencijskog linka („online“ sjednica) i tada se primijenjuju pravila i stavova (1) do (4) ovog člana.

### **Član 49.**

(Primjena odredbi o radu komiteta Izvršnog odbora na pravna tijela NS/FS BiH)

Odredbe o radu komiteta koje se odnose na načela u radu (član 8.), predsjedavajućeg (član 9.), sekretara (član 10.), saradnju, podršku i radne grupe (član 11.), prisustvo i učestalost sjednica (član 12.), dnevni red (član 13.), zapisnik (član 15.), etičko i profesionalno ponašanje i ostale obaveze (član 16.) i dnevnice, troškove i druga prava (član 17.), primjenjuju se i na pravna tijela, osim ako nešto drugo nije određeno posebnim pravilnicima i propisima koje odnosno pravno tijelo primjenjuje.

### **Član 50.**

(Primjena odgovarajućih pravilnika i propisa)

(1) Nadležnosti, procedure, mjere, uslovi i način rada Disciplinske i Apelacione komisije propisani su odgovarajućim odredbama Statuta NS/FS BiH, Disciplinskim pravilnikom NS/FS BiH, Pravilnikom o nogometnim/fudbalskim takmičenjima NS/FS BiH, Pravilnikom o registracijama klubova i igrača i statusu i transferu igrača NS/FS BiH, Pravilnikom o antidopingu NS/FS BiH, Pravilnikom o posrednicima NS/FS BiH, Pravilnikom o bezbjednosti na međunarodnim utakmicama i utakmicama saveznog stepena takmičenja NS/FS BiH, Pravilnikom o reprezentacijama NS/FS BiH, Pravilnikom o sudijama i suđenju NS/FS BiH, Pravilnikom o licenciranju klubova za učešće u UEFA-inim klupskim takmičenjima, Pravilnikom o licenciranju klubova za učešće u takmičenju Premijer liga BiH, Kodeksom o ponašanju članova nogometne/fudbalske organizacije i propozicijama takmičenja u organizaciji NS/FS BiH.

(2) Propisi, procedure, uslovi i način rada Prvostepene i Apelacione (drugostepene) komisije za licenciranje propisani su odgovarajućim odredbama Statuta NS/FS BiH i pravilnicima za licenciranje klubova za učešće u takmičenju Premijer liga BiH i UEFA-inim klupskim takmičenjima.

(3) Nadležnosti, uslovi i način rada te prava i dužnosti Tužilaca NS/FS BiH definisana su odgovarajućim odredbama Statuta NS/FS BiH, Disciplinskim pravilnikom NS/FS BiH i Pravilnikom o tužiocima NS/FS BiH.

## **2. USLOVI ZA ČLANSTVO**

### **Član 51.**

(1) Pored uslova iz člana 19. Statuta NS/FS BiH te uslova iz Poslovnika o radu Generalne skupštine NS/FS BiH, članovi i zamjenski članovi Disciplinske i Apelacione komisije moraju imati visoku stručnu spremu, završen pravni fakultet (četverogodišnji studij ili minimalno 180 ECTS bodova) uz stručno iskustvo od pet godina nakon sticanja tražene stručne spreme.

(2) Pored uslova iz člana 19. Statuta NS/FS BiH te uslova iz Poslovnika o radu Generalne skupštine NS/FS BiH, članovi Prvostepene i Drugostepene komisije za licenciranje klubova moraju ispunjavati uslove o stručnoj spremi u skladu sa Pravilnikom o licenciranju klubova NS/FS BiH.

(3) Pored uslova iz člana 19. Statuta NS/FS BiH te uslova iz Poslovnika o radu Generalne skupštine NS/FS BiH, Tužiocima NS/FS BiH moraju ispunjavati i uslove predviđene Pravilnikom o tužiocima NS/FS BiH.

## ZAVRŠNE ODREDBE

### **Član 52.**

(Usaglašavanje pravilnika)

(1) Entitetski savezi (NS FBiH i FSRS) dužni su do 31.12.2023. godine donijeti svoje odgovarajuće pravilnike u skladu sa ovim Pravilnikom.

(2) Ukoliko entitetski savezi ne donesu svoje pravilnike u roku iz stava (1) ovoga člana, na iste će se primjenjivati odredbe ovog Pravilnika.

(3) Odredba iz stava (2) ovoga člana će se primjenjivati do konačnog donošenja usaglašenih odgovarajućih pravilnika entitetskih saveza (NS FBiH i FSRS).

### **Član 53.**

(Stupanje na snagu)

(1) Ovaj Pravilnik stupa na snagu danom donošenja.

(2) Stupanjem na snagu ovog Pravilnika, prestaje da važi Pravilnik o radu komiteta Izvršnog odbora i pravnih tijela NS/FS BiH od dana 02.07.2021. godine.

**PREDSJEDNIK**  
**Vico Zeljković**